


拙翁集

共五本

~ 16
2418
1



和
2418
-5

拙翁集序



本朝當 宣廟初號稱文明盛際
文學正直之士接武朝著自黨議
起而不能無消長之變夫陽奇而
陰偶奇者孤而偶者合故合者恒
信而孤者恒誣以至辛卯之禍而

世變極矣一時名公俊士舉被釣
黨之目而其尤者竄謫絕塞拙翁
洪公其一也明年壬辰國有大難
宗社播越天心悔悟悉召還諸
謫人公赴行朝進拜司徒大學
士尋以憂去制未盡而即世朝野

莫不痛惜始公弱歲以詞賦冠進
士既登朝賜暇湖堂宣祖嘗
庭試文臣公中魁選自是文譽益
振遂拜藝文提學竟秉文衡為一
代宗匠公於詩不以聲色為工一
主於理致要以暢其意而止為文

本源經術該贍典實不為空言生
平著述甚富而盡軼於寇難公能
暗記而錄之得詩文九百餘篇公
沒三十有九載冢孫命荀守永嘉
始克鋟行公集屬維敘之維晚生
未及識公而先君子實與公同被

誦維又幸與公之胤參議公同榜
以是獲聞公名實之懿私心常切
景慕託名卷端實有附驥之幸其
何敢辭嘗聞孔氏四教文行居其
先文者其華而行者其實也天之
降才鮮能全備故四科之徒亦有

批集序
三
偏至况其下者乎今公高才粹質
獨稟間氣和順積中英華彪外德
行著於儒林勲名載於國乘至其
歿於餘事者亦將炳烺緇素而垂
諸不朽豈所謂彬々君子質有其
文者非耶洪氏自麗朝代有文人

科第不絕及公之考若兄皆以文
詞重於世然其家集之行至公始
大著可謂盛矣

崇禎五年日南至奮忠贊謨立紀
靖社功臣資憲大夫吏曹判書
兼弘文館大提學藝文館大提學

知春秋館成均館事同知 經筵
事 世子左副賓客新豐君張維
謹序

拙翁集叙

余少也聞先輩長老論為世弟一
流必曰益城洪公又與公媿今太
宰益寧公為醫年友聞公修
於家者皆古焉好君子之可
也長又與公之子密議公游益同

公德業久章之盛私心甚慕
一燈公門拜公之床下意內
証外寇流離播粵之際而公遂下
世者自嗚慕義無窮而終未
有一日之雅焉密諱之子承旨公
守永嘉之三年壬申梓公集

徑示余以叙屬余以為苟可効
於公之地者所不敢辭也謹按集
心編計者十錄詩若賦者八百六
十紀首文多雜著者四十餘首
公著述甚多而遭亂教亡此即
公追誦成編者計平生殆不能

爲其半云公於詩不采色爲工遇
境寫情遇事紀實敦厚之氣
也澁子未之風也公嘗著說有詩
之詩者有學而詩者詩而詩者詞
華而已學而詩者義理而已公之
以志如此則其發於言者可知

已文以六經爲本務達而理賅精
明而典雅實儒林之羽翼故淵
型之軀公之文學一脈有淵源遠祖
自其漢中丞奎皆歷代名臣之有
文者之至 我朝子母祖友菊
翁及公自多考石薛公詞翰擅一時

公少孤學於伯氏知申公知申公
亦用文辭顯暨公學成談者謂
知申雖為兒云獨惜夫際會明
時絕用不究遷謫兵喪遂殞
厥躬竹素委地惋淡零落使
當時之民不得蒙大惠後世

人不得見今緬斯豈非世之不幸
幸之士林之長恨也嗚呼公固不
待文而自見者而又何待於叙之
輕重也顧余之初幸自託於公之
文以伸其平昔慕用之誠覽者
或可以恕其僭也公自号拙翁再

長鈔部主國河第平官判中
樞府事少儀諱瑞翼益寧名
瑞鳳承旨名命者皆以文世其
家

崇禎五年二月六浣在東

金尚憲叙

先祖平生著述甚多藏于家者積
有卷秩幸卯士禍作先祖纍于此
荒繼而遭壬辰兵火放失殆盡洎
召還仍朝追記回詩文若干首未及
繕寫而下世先君子手自編次以面不
朽而婁曲郡邑皆坐力綿中蓬否運

廢居田里竟莫之遂不肖命者每閱
遺集恐先祖文章泯為無傳無以紹
先志未嘗不掩涕庚午叨守永嘉將
校讎入梓而尚慮工役之未易速已刻
工聞蘇而至者四五十輩咸曰侯之先祖
再按嶺南仁風惠以民到今不能忘

今侯之鏗先稿也我輩其敢後焉遂
不論直而爭趨事始於辛未夏未及
秋而工告訖噫先祖德澤之入人徵於
嶺管可知而先祖文章從此而照映
於未後則先人之志獲伸而茲役之
完實惟 國恩所及幽明之感為如

何哉癸酉又忝按此道到永嘉補板
本缺畫康謹齋沐以書

崇禎甲戌孟夏日孫通政大夫
守慶尚道觀察使兼兵馬水軍
郎度使巡察使命者謹跋

拙翁集目錄

卷之一

五言古詩

古意四首

又四首

又四首

又四首

清字古意二首

傷字韻古意

二首

病暘五言古風

張學士贊章圖

次壁上趙相國士秀韻

五言律詩

遼陽

別友人後寓懷

奔忙中寓懷

湖堂即事

悶旱

市中置酒

自警

君明臣直

送梁公燮赴京

贈別李可

譙赴京

南陽滌暑樓次先祖韻二首

詠梅

別後寓懷

別後有懷

湖堂

即事

次洪正郎韻

廣寧逢南京商人

王一元

贈別尹尚中再赴燕京

湖堂

寓懷

贈尹伯昭赴京

說閔牛峯

湖堂寓吟

次龍仁東軒韻

倚雲亭韻

次豐基東軒韻

次義城東軒韻

次義

興東軒五言律

次慶山東軒韻

次清

道東韻二首

次開寧東軒韻

霽景樓

次高祖韻

昆陽東軒韻

巨濟東軒韻

二首

泗川東軒韻

三嘉正襟堂韻

陝川東

韻

次富寧板上韻

五言排律

高靈東軒韻兼五代祖申叔判韻

雜體

駕十馬

年六人

車中主人答駕車馬

駕車馬

主人

車中

謝駕車馬

駕車馬

主人

車中

人復謝駕

車馬

鄰本

車中主人主人

有答

卷之二

七言詩

秋嘆

蘇子卿謁度陵

次義城聞韶

樓韻

建德行

中書會食嘆

兄弟

長相思

長相思

慎矣歎

羌村仲冬有

感

歲云仙行

歲云暮行

寧城

寧城中三月三日有感

賣魚翁行

七言律詩

遼陽

薊門

送梁公燮赴京

贈別

奇景迤赴京

戲裴汝友

贈關東方伯

次高祖韻

昆陽東軒韻

巨濟東軒韻

二首

泗川東軒韻

三嘉正襟堂韻

陝川東軒韻

次富寧板上韻

五言排律

高靈東軒韻表五代祖申參判韻

卷之二

雜體

駕車馬問車中主人

車中主人答駕車馬

駕車馬謝車中主人

車中主人謝駕車馬

駕車馬復謝車中主人

車中主人復謝駕

車馬 郵卒諷車中主人主人仍有答

七言古詩

秋雷笑 次義城聞韶樓韻 建炎行

中書會食羹 兄弟巖 長相思 慎

矣哉 羌村仲冬有感 歲云徂行

歲云暮行 寧城 寧城中三月三日有

感 賣魚翁行

七言律詩

遼陽 薊門 送梁公燮赴京 贈別

奇景延赴京 戲裴汝友 贈關東方伯

別金士晦赴密陽府 燕歧縣獻壽慈親次

板上韻 義州聚勝亭次先君韻 統軍

亭韻 次黃州廣遠樓韻 四慕堂

贈別朴尚初赴京 南樓 別柳永健健

之赴湖南 贈別關東方伯柳景說

次李應堯韻寄密陽太守金士晦 重次士

晦前韻 挽金叅判重晦公 吳二相挽

贈別宋質正赴京 挽具叅判景瑞公

漠南無玉庭 次質正官韻三首 又次

前韻三首 過楊忠壯舊莊 山海關次

前韻二首

次白麓韻三道

挽辛白麓

贈別奏請使黃景文

贈

韓持平應寅以奏請書狀赴京 朝天契軸

別權而遠赴湖西方伯

贈許太輝公嶺南

方伯

銀臺次僚伴韻詠松竹

次銀臺

年字前韻

移告後次銀臺園字前韻

次銀臺諸僚韻四首

次山 鳳樓樓韻

次

忠州慶延樓韻

次眉 東軒韻

次永

川光風堂韻二首

次慶州延春軒韻

延日東軒韻

渡泣嶺

次龍宮浮翠樓

韻

次尚州東軒韻

次比安東軒韻

比安路中次宋齊仲韻

來安東追次豐山

板上韻

次安東東軒韻

次義興東軒

韻

次河陽東軒韻

次清道東軒韻

次雙碧樓高祖韻三首

次昌寧秋月軒韻

次星州東軒韻

醴泉次板上韻二首

金海燕子樓韻

固城東軒次高祖韻

次金海燕子樓韻二首

次東軒韻二首

次巨濟黃翠樓

次右水營

次右兵營

東軒韻

次攬秀亭韻二首

次密陽嶺

南樓韻	次左水管板上韻二首	次彥
陽東軒高祖韻	次昆陽製翠樓韻	次
南海韻二首	次右兵營韻	寧海海晏
樓韻	善山東軒韻	宜寧清暑樓板韻
聞慶慶雲樓韻	聞慶	韻
軒韻	月波亭韻	咸安東軒韻
昌東軒韻	星州百花軒韻二首	陝川
東軒韻	誕日望闕行禮	梁山雙碧樓
韻二首	金海東軒韻	密陽嶺南樓韻
贈主伯	密陽樓船韻	鷄林東軒韻

鷄林賓賢樓韻	佛谷寺	鷄林東軒韻
奉化東軒韻	咸昌東軒韻	永川明遠
樓韻	永川朝陽閣韻	永川明遠樓韻
蔚山太和樓韻	昌原燕賓樓韻	蔚山
太和樓韻	大丘東軒韻	青松東軒韻
密陽次府伯金士晦韻	嶺南樓韻	固
城東軒高祖韻	新春	次藥圃韻
塞上新春	羌村寓懷二首	理山板上
韻		

卷之三

出

三

五言絕句

廣寧城外

向清聖祠將渡灤河舟人索扇

聞市聲

見中樞府朝報戲吟

遼塞次

朴使韻

次松江韻

洪文應善公韻

諫院契軸

次用安驛東軒韻

榮川可

峴偶吟

次金海東軒高祖韻二首

次

機長東軒韻

次金海高祖韻

通道寺

次寶上人車韻

次海印雪峻軸

機張

東軒韻

次梁山板上韻贈崔冽崔滉諸弟

見李君綏書後次絕句韻

七言絕句

遼東旅舍

漁陽橋

昌黎縣

通州

二首

夷齊廟二首

將入都門

三

河館

平山道中遙見慈秀山

中和生

陽館

次亞使韻戲吟

近都門度長川

昌黎山

九月初八日三义河口偶吟

向漁陽

沙嶺途中

夜聞賣糖人聲

曉卧玉河館聞唱道聲戲吟

榆關

山

海別居停

山海關次朴使韻

潞河次

前韻

燕路

清聖祠

坐玉河外廊

閨牆外笑語聲 通州 題朝天錄 聽

松書屏 葡萄畫屏 病中夜吟 病

中朝卧 禧陵路中 牛峯族人洪春良

氏來訪二首 舊友來訪二首 折簡索

臘藥戲吟二首 早春江頭贈別具景瑞

江村暮雨即事 贈別友人赴外 元日

在洛中次江陵珍富驛先世韻二首

廣州東軒韻 利川東軒韻 安城東軒

韻二首 安山東軒韻 燕岐東軒韻

公州錦江樓韻 立春集 病中迎醫

戲吟 畫竹屏風 病中書睡 聞湯

藥奚子語戲吟 移告 病中夜卧未眠

寓懷 病中夜闌不眠 邊應虛袖通

鑑以來 長安街 燕路中追思先世有

感 通州 嘉平有感 偶吟 休

上人詩軸韻 薊州旅舍 七家嶺途中

憶亡兄 過成學士家 次書狀韻

十三山旅舍 以禧陵獻官回來時慙延曙

亭上有負薪老叟過亭下者戲吟 春後寒

甚 春日稍暖 巡廳 黃孤山筆法

屏風

家童折杜鵑花來

靈山舊人朴

世身來見四首

禧陵齋堂即事

燕路

次相使韻戲吟

分水嶺偶吟

灤河

慈秀山下

隣友李都事惠送芙蓉香

黃景文初度日見邀叅席

伯顏洞人家曉

起有吟

康陵齋堂

次松江韻三首

竹山族人洪景斗來見

戲李應堯韻

應堯以西海都事遠來戲吟

洪丈應善韻

白麓詠畫韻

庚申夜病中偶吟

詠

漢史

次陽智清鑑亭韻

用安驛偶吟

聞慶東軒

下

五里江亭韻

驅馳嶺

即事

次孝令嶽東軒韻二首

自孝令

向義興路中即事

次新寧竹亭韻六首

永川光風堂韻

慶州瞻星臺韻二首

東軒韻二首

明月巷韻

羅朝銅案

鷄林玉笛二首

贈月城小童朴麒麟二首

嶺南方伯先生案

次延日倚雲亭韻三

首

次盈德清心軒韻四首

清河觀海

盈德道中觀海

盈德道中遇大風

尹山望海

寧海海晏樓謹次高祖韻三首

觀海臺望東海

答關東方伯鄭季濟

寧海境上次鄭季涵韻

次禮安東軒韻三

首 過愛日堂用前韻

次榮川東軒韻

榮川路中次梁廣文士元之韻

次豐基

東軒韻二首

醴泉東軒次高祖韻二首

卷之四

七言絕句

詠梅三首

自龍宮向商山路中次梁廣文

士元之韻

自德通向商山路中

次多

仁縣東軒韻

義城縣東軒記夢

次義

興東軒七言絕

次河陽東軒七言絕八首

次密陽東軒韻二首

次凌波堂韻四首

枕流堂韻三首

凌波堂韻五首

次

梁山澄心軒韻二首

次玄風東軒韻

自玄風向高靈路中

戲吟

次星州百

花軒韻二首

東軒韻

商山拜

箋後

有感二首

偶吟

在商山風寒不得出

戶令小童採梅

咸昌縣即事

發自咸

昌行向龍宮偶吟

龍宮次板上韻

次

海印寺韻三首

次三嘉板上韻三首

羸石樓韻三首

昌原東軒韻

金海燕

子樓韻五首

商山感舊戲吟

商山表

柳戲吟

泗川東軒次高祖韻

次固城

東軒韻

次東軒韻二首

鎮海次板上

韻

昌原次板上韻二首

安骨浦二首

次加德韻

次天城韻

次熊川鎮溟

樓韻

次善浦朝宗閣

永登浦

栗

浦

玉浦受款樓

知世浦

次右水

營二首

助羅浦清心閣

唐浦東軒

固城丘墟驛

次鎮海東軒

題巨濟黃

翠樓

次咸安東軒韻

恭原東軒

次密陽嶺南樓韻四首

次梁山澄心軒韻三

首

次東萊板上韻三首

次多大浦板

上韻三首

海雲臺醉吟

自海雲來舟中

偶吟

鎮溟樓

次辛正字兼行韻

豆毛浦皇華亭三首

次西生浦韻二首

次開雲濟韻

次左兵營二首

贈松都

人安慶昌

次太和樓韻二首

次慶州

東軒韻

即事

金藏臺

東都

次東軒韻

奉梁驛

阿火驛諫考樂

孝令縣次板上韻二首 次海平縣韻 次草
溪勸稼亭韻 次河東東軒韻 偶吟南海召
伯臺韻 平山浦 曲浦 高川浦 彌助
項二首 赤梁 次召村環碧亭韻 次恭原
擇勝亭韻 次靈山韻 次三郎亭韻
通道寺四首 贊口二首 鮑石亭二首 過
赫居氏陵前 次於興寺蓋波閣 次林葛
川茅亭韻三首 次神興寺僧延壽詩軸韻
智異山次雙溪寺僧性甫詩軸韻 開
慶東軒韻 咸昌東軒韻 忠州路中

憶主牧 晉州蠹石樓韻二首 昆陽紫翠樓
韻二首 昆陽浣紗樓韻二首 山陰換鵝
亭韻二首 清道東軒韻 晉州蠹石樓韻
真寶東軒韻 河陽溪亭 靈山東軒韻
三首 丹城東軒韻 昌寧秋月軒韻
大丘東軒韻二首 延日東軒韻 安康縣偶
吟二首 栢栗寺樓韻 玄風東軒韻
咸安東軒韻三首 草溪勸稼亭韻 高
靈東軒韻 大丘東軒韻二首 榆川驛
即事 宜寧庭中梅花盛開 梁山龍堂

舊知崔沂邇來以別仍次板上韻二首 梁

山澄心軒韻二首 梁山舊知設宴話別次

前韻以亦之 入通道洞口感舊 自金

海到獐項院 蕭浦韻 安骨浦韻 永

登浦三首 知世浦 玉浦受款樓韻二

首 栗浦韻 加德韻 多大浦韻

詠沒雲臺韻 知世浦韻 助羅浦韻

唐浦韻 三千鎮 加甫梁二首 曲

浦韻二首 鎮安東軒韻 南海東軒舊

題詩板已入灰爐中有感 固城東軒韻七

首 太和樓韻 青鶴洞 上峯頭二

首 贈智異山老僧 向鶴峯 伽伽

山海印寺韻二首 龍宮簷翠樓韻 星

州百花軒韻 河東東軒韻二首 花園

縣 丹城蝴蝶樓韻二首 榮川東軒韻

二首 榮川次園隱韻二首 豐基東軒

韻 咸安郡患疾夢中有文薄覺而有吟二

首 黃山江舟中即事 雲興寺洞口

永川明遠樓次園隱韻 三嘉東軒韻正襟

首 伽伽山海印寺韻 居昌東軒韻

別後次金士晦見寄韻二首 盈德次高祖
韻 前為方伯曾有詩有感又次 金海
東軒韻 寧海海晏樓韻三首 海晏樓
次具伯潭韻 露梁院 醴泉東軒韻三
首 巨濟溟珍縣 興海東軒韻 梁
山通道寺 崔冽崔汭等諸公追來叙別
左兵營 晉州豆致江亭二首 雙溪寺
夜吟

卷之五

七言絕句

郭汾陽	富相國	張舍人	張子房
趙普	管幼安	陶穀	馮道
周太尉	范相國	汲淮陽	王導
伯仁	陶靖節	呂夷簡	王丞相
王大夫	蘇大夫	二疏	梅處士
狄休一天寶	恠鬼兒	賈似道	文
山	歐春	樊噲	陸賈
公	秦益	元祐	陳平
白尚書	陸賈	羌村道中	羌村
			張廷尉
			司馬溫

晝眠

軍城聞塞角

羌村見月

羌

村兀坐有感

送家奴應壽還洛

應壽

去後有感

警

羌村見衣白者

見

家書

羌村即事

庚申

夢

冬

至京豆粥

謝金銓金鏡兄弟

臨瀛居

人轉世來持我甚歎

羌村居停家當年有

感

焚膏晷晷

仲冬初六乃先人初度

日有感

家書

燈油之盡早卧有吟

夜深有吟

夢

夢見李應堯

憶應

堯

羌村之夜

見與川朴尚初書

送家奴安年還洛寓意五首

慈親

先塋

書籍

兒子

梅

送家

奴良金還衿川

富寧板上絕句韻

謫來途中憶應堯

路中

夢登江閣

記夢

見李通津壽俊書

唐陵之

子洪建來訪

偶吟

自嘲

見家

書戲吟

偶吟

除夜

立春偶吟

先訓

自警

伶人

捕虱

夢

夢餅戲吟

夢見李景闇

夢

見李都憲

賣篩人

即事

羌村

日夕叙懷

新歲居人獻祝戲吟

見

玄誠仲書

羌村餞歲

謝朓萬戶鵬

別洪彥規有懷二首

歸心

見鄭

評事文字書

見湖西伯尹粹夫書

見李來自京洛

居人姜應清來訪

別崔察訪歸京

裁家書

夢月汀

見友人閔思恭書

女巫

聞女巫聲

戲吟

寧城暮春大雪旋霽

嘗艾囊

有感

憶洛中故舊

家奴自洛來

憶故舊

嘗尚州皮狄栗有感二首

謝吉牧

寧城聞溪聲有感

吟詩

寧城見新藥有感

自笑

見大丘地

族人禹書

謝淮陽太守

警

寓懷

家奴輩埋炭來

贈居停朴順

次藥圃韻二首

寧城三月三日有雨

次鄭察訪韻二首

中樞舊吏李光庭

來訪饋白粒二首

曉聞杵聲

讀義

經有感二首

崔察訪魯瞻來訪二首

狄村寓懷

羌村出門散步

寓懷

朱槐里

寧城清明杏花未開

羌村

寧城寓懷

羌村

寧城清明

羌村上元有感

謝玉蓮鎮將安沃

金僉使磁來訪于羌村傳朴僉知宣之寄札
且致朴令公問訊之語曰吾乃曾經朴之褊
裨者也朴乃同年及第 自北塞向義州

行朝有感仍次江界府板上韻二首

按嶺南適來旋請塞北蒙 恩見放行向龍

灣有感仍次前韻 在北青臨安岐山中

次藥翁韻 自臨安向咸興屏風鋪次藥翁

韻三首 屏風鋪次藥翁韻 黃鉄坡

三水途中有溪水伐木為槎 雪寒嶺次

藥翁韻二首 向別害峽路即事 雪嶺途

中 江界造山村人家 江界魚頼村雨中

渭源板上韻 見李同年夢應詩板仍次

之 自理山向山羊途中 山羊堡 堡

七言排律 新豐十韻

賦 好善優於天下賦

表 擬唐陸贄請下罪已詔表

卷之六

詔 為東平王貴問息夫躬 天君遺志節

攻愁城

對 君明臣直對

說 石戰說 馬換牛說 賀益販粟說

論 陳平讓位論 孔明庶幾三代禮樂論

陳蕃論

殿策 培養人材

卷之七

序 海島諸鎮詩板序 靈山詩板序

朝天契軸序 普濟院避暑序

錄 觀海錄 遠遊錄 鷄林錄

後 書王燭紀後 書王陵傳後

記 黃金臺記

叙 賣魚翁問答叙

卷之八

書 上李提督如松書 復上李提督書

疏 辭大提學第一疏 第二疏 第三

疏 第四疏 第五疏 辭職還服第

一疏 第二疏 第三疏 第四疏

第五疏 第六疏

卷之九

集遠錄

卷之十

慕遠錄

錄後叙

南陽鄉貫誌

碑銘

折衝將軍僉知中樞府事李公碑銘序

宣教郎趙公墓碑銘

碣銘

通訓大夫行 宗廟署令任公神道碣銘并序

懷德縣監金公墓碣銘

拙翁集目錄終

拙翁集卷之一

五言古詩

古意

我願黃河水不濁長自清我願天上月不缺長自

盈天乎貸二者庶遂平生情

佳人在空谷不被緇塵傷札札弄機杼願作公子

裳公子安穩未如今定何鄉

黃昏有幽約指彼梅樹間浩蕩喜改路夜深人未

還臨風空獨立多事此人寰

平生愛君子君亦愛吾身夜夢忽見之其人美且



仁有書留在篋披來思此人

又

憮憮為博厚浩浩為太清山川自流峙日月相虧
盈願見無極翁一一問性情
昨日心暫定白刃不畏傷今日心轉放遇事倒衣
裳活物儘可畏出入元無鄉
斯道本一脉流自洙泗間淳風久不作一去何時
還帝舜一欽字足以光八寰
凡人才不才亦各言其身願把孟賁勇學得顏氏
仁有為亦若是堯舜是何人

又

家在南山下小窓風日清有琴不須絃有樽長自
盈何時此中去隨意陶性情
母曰嗟余子北風吹爾傷兄曰嗟余李朔雪透爾
裳海隔望不極何時歸故鄉
我家海東隅我行燕塞間乘槎浮海來願把文明
還詩書苟有得此理同八寰
茫茫宇宙闊眇爾寄此身斯道無內外只是一箇
仁觀周倘無得歸去猶夫人

又

有客揖我言如今漢水清相將采芳芷士女戲其
盈我欲遊其間無乃君言或不情

東隣竟歌舞我獨空悲傷難將五色線獲補舜衣
裳計熟事已非此時願入無何鄉

有客操瑟立自矜談笑間吾瑟一彈罷淳風隨手
還師

拙性學得恕以身度人身有客詰余言固哉偏於
仁吾將受為過嘿嘿不敢辭其人

清字韻古意

我訪孤竹來高風有餘清城上山葉葉城下水盈

盈揖罷百代後好立起予情

平生抱沈疾心神無日清有醫向余說須令心血
盈醫乎爾言誤當求吾性情

傷字韻古意

臨途却周章揆義傷未傷人或昧此理禽犢而冠
裳嗚呼世滔滔彼哉愚於鄉

余心信好修頷頰亦何傷芳芷以為佩芙蓉以為
裳持此去不變可入君子鄉

病暘五言古風

天心本闕下王道須愛人扇彼路旁暘君哉周武

仁先王規如傷能活西土民小子體無愁藹然吾
心真殷勤手扇之暘者生意伸扇一能扇百仁風
遍八垠不爾王政非吾將違楓宍

張學士焚章圖

擾擾朝市裏名利者所趨排前又旁出千百以為
徒焚章歸去來張公真丈夫急流中勇退世有此
人無少年計太銳在上青雲借青綾直承明從來
榮辱俱勢利苦焚火吾獨胡為乎襟期與世乖踣
蹠蹤亦孤解章一焚之歸路不踟躕章焚慾亦焚
片雪點紅鱸世念已灰冷林泉聊可娛後人慕作

畫高風那得摹猶足諷我頑竟日撫此圖默默靜
言思昨夜夢江湖

次薛上趙相國士秀韻

看竹始免俗臨流端取潔二者得兼之欲去還駐
節茲縣何許地力能挽行客塵中且直外擁籬編
如束波急鳴欲咽撞砌散碧玉清宜纓子濯實可
鳳鳥食和嵐交作翠受月偏生白有軒跨其中有
巖立其側象籟滿清聽竒觀來遐矚仙區無乃是
為問雲邊鶴

五言律詩

遼陽

衛分二十五東北歷要衝月裏傳宵柝雲邊報夕
烽桓桓精士馬屹屹壯城墉語與防秋將籌邊慎
莫慵

別友人後寓懷

分離已昨日遺恨到今添綠酒共誰酌朱絃不忍
拈幽懷從髮白殘淚任巾露墻角桃花樹春愁一
半無

奔忙中寓懷

悠悠經歲月擾擾絆簪纓白髮梳還短紅塵拂轉

天機那免淺人事設多營朝晝奔忙甚要着衣
氣生

湖堂即事

江閣烟光媚漁村半影添探春停棹納日捲珠
簾沙暖鷗初暖風輕浪自恬山城花落盡何處訪
青帘

悶早

不雨今三月數放共四方西郊密將散南畝綠還
黃紫雨塵飛色盡空日出光桑林當日應何獨斲
吾王

市中置酒

功成一劍後事在七年中肯眼情親舊深探笑語
同西都途更遠南國思何窮懷抱悲無壯悠然詠
大風

自警

惶惶何所有經歲又經年未著升高足難容上水
船怒歸人共指悔與事相來靜裏生漆省江城曉
漏傳

君明臣直

納言須路豁直顏君明世亂金人戒時熙諫鼓

嗚呼心膺重寶無隱親臣情自是存亡界九重儻
盡誠

送梁公燮赴京

海外推人傑雲間請帝都吟高雄氣像天迫大規
模珠玉增新鑿山河入遠圖三千燕北路物色不
杖梧

贈別李可謙赴京

不觀皇居社稷知天子尊曾從大處竭始信古人
言瑞日明三殿祥雲舞九閣送君此中去情緒不
容論

南陽游暑樓次 先祖韻

花翻長眩眼帶殘未宜腰
難辨詩書效空將歲月
銷自嘆愚魯贊無補
聖明朝此處龍堪臥
有桑間
幾條

詩在相高額樓明山半腰
吾鄉傳自遠此處暑堪
銷月檻偏宜夜晴感最可
朝依然猶物色風木自
鳴條

詠梅

春生梅雪裏點點照窓明
不把繁姿闌唯將淡態
呈折來將遠贈吟罷有餘
情自是遺賢恨真香欠

楚經

別後寓懷

世上元多恨春來又別愁
紅塵緇客袖白髮上人
頭芳草山南路虛舟漢水
隈閑雲不解事輕薄映

江樓

別後有懷

江上獨延佇柔腸一半銷
遮來渭城柳棹罷木蘭
撓芳草迷烟渚梅花只斷
橋相懷心了了魂去不
須招

湖堂即事

珠樓漢水北桂楫廣津西歌鼓連村咽綺羅照岸
迷波淨雲光合風輕樹影齊探春亦多事白馬隔
江嘶

次洪正郎韻

人猶憐近姓况我共唐城殘燭三河驛驚沙萬里
程初逢唯喜意相別倍傷情到此腸全弱髮絲一
半明

廣寧逢南京商人王一元

君住鍾山右我居東海濱十年行貨業千里作行
人客路偶相見他鄉可與親傷心一別後兩地問

無因

贈別尹尚中再赴燕京

憶昨三河驛看君驛上詩看來如面目客裡為躑
躑過眼月三鼓回頭天一涯行行如到此千里幸
相思

湖堂寓懷

坐清風竹裏神喚卯申餘亭午茶宜啜凌晨髮幾
梳衛生方最妙醫國術何疎展轉對殘燭江城曉
漏初

贈尹伯昭赴京

一人垂拱處四海以為家日御當黃道龍章隱紫
霞超騰經寶界收拾摠文華得意回槎日應將勝
事誇

挽閔牛峯

白首牛城守淒風驛舍涼偶從西路見真是丈人
行倏爾今安在依然意未忘趨庭吾執友題挽倍
悲傷

湖堂偶吟

殘更聲欲促寒燭影初微咄咄口猶語悠悠事轉
違髮增今夜白帶減昔年圍欵枕心還耿山風掩

竹扉

次龍仁東軒韻

半壁燈初暗寒更夜正中堂虛夜迥露庭靜樹生
風宜况元催老羈愁易作翁不寐仍展轉曙色小
窓東

倚雲亭韻

海澗天疑盡山高日易陰巒村依浦暗山郭著烟
濛信美非吾土無端憶故林一聲殘角動羈思更
難任

次豐基東軒韻

出翁集一

九

風關荒城曉燈殘半壁時怕寒難引睡歌枕強裁
詩心遠還千里身輕擬一絲未傳雙鯉信昨夜凍
官池

次義城東軒韻

遇勝神猶賦尋詩句未成樓臺誇壯麗風物愜光
榮拓戶迎遙出捲簾納晚晴平生觀第一應數此
南行

次義興東軒韻

官事無時了煩襟入夜清風鳴窓語閑霜落曉寒
生燭淚自愁思鷓鴣非惡聲髮邊絲太早渾為得

虛名

次慶山東軒韻

白頭惟簿領青眼忽清江滄海虛舟一晴空舞鶴
雙山看煩柱笏風引要開窓富貴逃無地誰跳百
尺杠

次清道東軒韻

青春興已減白首意如何千里身隨影三更夢到
家花生眼底霧縑作蓋中蛇客裏漫漫夜晨鍾莫
厭搗

夢歸輕鳥道旅宿是鰲山愁緒風翻蠹年光板走

九不須歌白雪無奈損朱顏長路窮無日明朝又
提鞍

次開寧東軒韻

客路驚沙惡旅窓曉月涼愁邊心轉弱吟裏意猶
強細竹猶含翠寒梅欲吐香天涯歸去夢無夜不
得陽

霽景樓次高祖韻

往跡隨雲散清詩掛壁留吾家漢北極是池海南
頭梅樹新春暖蠻烟古堞幽臨風自生感吟罷咽
難休

昆陽東軒韻

十年猶昨日歷歷渡河橋翠郭屏三疊谿烟玉一
條逢人欣舊面問俗闕新謠世事從天數吾心證
日照

巨濟東軒韻

維舟黃橘樹把酒白鷗邊渺靄無窮地層波欲缺
天馭風疑接骨駕鶴便登仙快濯塵煩盡肯襟自
洒然

小島滄環裏孤城地盡邊窓明山吐月簷密水涵
天壇上玉童子雲端金骨仙相望儻相見衣袂便

飄然

泗川東軒韻

玉耀重來節龍橫舊見山不須問道路直可渡河
灣鴈拂南天去星從北極環君息猶未報何日始
偷閑

三嘉正襟堂韻

繞砌步初散陞堂坐亦宜捲簾來遠岫映檻近澄
漪風葉時看拂烟花不待披韶光偏厚客細細入
吾詩

陝川東軒韻

吏散公庭靜花明小院深風簾生亂影燕語鬧微
陰春力枕邊夢鄉愁嶺外心耿耿不自暢時復一
長吟

次富寧板上韻

歸心南嶽下孤影北河邊世事雲翻覆天心月缺
圓霜從踈髮上風向槩裘穿野老猶相語謫來上
界仙

五言排律

高靈東軒韻 表五代祖申然判韻
北風吹更急南國路何長梅冷封殘雪荷枯立小

拙翁集卷之一
塘嶺雲空望白江橋未懷黃池凍魚難動天寒鴈
未翔長歌聲激烈短律味膏梁捨此吾無奈難堪
思故鄉

拙翁集卷之一

拙翁集卷之二

雜體

駕車馬問車中主人

使乎使乎願聽之勿吟詩勿嗜眠上山下山筋欲
折赤漚溢毛分露韉爾於是時好吟詩一句安排
跌幾遷日午日夕力正疲頭戴泰山腸欲煎爾於
是時好引睡一場夢成頭顛顛爾跌遷了車向側
爾頭顛來車漸偏車偏車側我骨苦爾獨不念猶
晏然使乎使乎胡不思爾職要使物物獲被 王

化宣

車中主人答駕車馬

馬乎馬乎更思之勿怨天勿尤人上山下山眼正
寒下有苓号上有榛 正京迢遶五雲隔此時不
得不吟呻昨夜風露夢未圓繞壁獨立空逡巡日
午日夕蝴蝶來遽然導我歸 楓宸跌遷頭仆尚
不覺况念車傾勞爾身不使物物得其所我固不
職宜爾嗔馬乎馬乎須反之戀主此意爾亦性之
真

駕車馬謝車中主人

吾不意南中伯為性不寬言太迫前言戲耳不是
真君胡以我為訶責非不知嗜睡有所自非不知
吟詩有所激我是知命者骨折筋疲何足惜我是
自反者戀主此意寧不識聊向臯華試一言以畢
轅下之悃悞

車中主人謝駕車馬

馬吾甚愛之為性不褊辭最真吾固知爾言為戲
爾莫怕我言為嗔古稱不直道不見我今有此言

敦敦並生天地貴相知不論物不論人爾在轅下
我轅上要持此心無磁磷焉吾甚重之微爾吾誰
與相親

駕車馬復謝車中主人

金馬門前汲淮陽曾與我祖為相知千百年後有
我公幸於吾身親見之為盟不須三物血只一言
願將丹心終始持

車中主人復謝駕車馬

爾不如爾祖榮汲乃千年正直者爾未必不如祖

人雖不如情不下古今人物同不同未可知此心
明處惟誠也

郵卒諷車中主人主人仍有答

郵卒在車左却立不敢驅僂僂拜且跪艱然呈色
淪吾恠南中伯文此轅下胸有言輒相酬有意煩
相呼執鞭善耻之人誰曰復乎敢請問所以公有
一言無爾卒最無知買買非吾徒爾固難與語語
之情未孚往而問諸馬羣莫更訊吾郵卒感未解
嘿嘿退而趨

右自青松向安
東途中所作

七言古詩

秋雷嘆

九月之望秋之季轟轟有聲從天來前聲纔斷後
聲續海可傾兮山可摧天工於此枉著手節屈放
聲鳴以雷小臣中夜驚起立繞遍四壁空徘徊天
耶人耶未可測怒在冥冥有底催曾聞三代以上
天納民熙皞登春臺景星燦爛玉燭明品物交泰
乾坤開如今聖招不下古雷於秋也胡為哉祥雲
疾風本不常一念之間祥與災視聽自我天不高

未信有聲從九垓吾王此時意何如丙枕想應憂
未裁天道遠矣人事近顧瞻無以扶其頽天怒非
怒愛非愛此心可遣天心回自今以後只敬畏上
天本欲裁者培

次義城聞韶樓韻

十二峯巒盡土塊九萬雲霄纔咫尺風邊逸駕可
青鶴月裏遠響宜鐵籥羅幃香烟薰漸細綵簾眞
珠光似滴仙若實有應此居題品難成心轉怕

建炎行

姓汪黃胡為乎不謀守禦謀出奔渡江來何似者
只酬虜恩辜國恩天於宋祚已矣夫敢生數萬
主昏渠家富貴主家非自作厲階誰圖存八陵荒
涼松栢古五國寂寞風霜繁中原士氣寒鴈索汗
京邪議春雷喧宗爺過河呼奈何武穆大理難招
魂布衣一昨棄東市直言無復來天閣十日黃閣
坐未暖八章車攻徒自煩甘將玉葉付偏安孟后
一詔無復論君不見周宣中興仗方召薄伐玃狁
至太原

中書會食嘆

渠莫食渠莫食食固可食何心能舉匙渠莫食渠
莫食食可下咽何顏不忸怩堂吏呼帝駕出會食
此日何等時揚州咫尺鐵騎橫烈焰連空影漸移
前年此賊寇此州宗帥仗義能唱勤王師長河未
渡壯士死國勢已弱人自危今年此賊寇此州滿
朝無人能將左足規宰臣執檄只心醉鳥獸散去
不躡跡五國風霜時未食八陵松栢魂猶飢中原
無主事事非車駕日日東南馳百年玉葉復落空
此禍之作知由誰邪人謀國正人去食君之食徒

為屍肉食者鄙只伴食當此蒼黃尚回遲環四海
盡是嗷嗷者欲食汝肉寢汝皮雖將爾身作萬段
充萬口國事已矣終何為

兄弟巖

有石巖巖立者雙問之人以兄弟名居左為高右
為下下者為弟高為兄並峙能禦外來侮相好宛
得怡愉情山高不狎河不橫天固不崩崩可擊友于
居一五可推稟質孰如渠堅貞磨之不磷立卓爾
白日照之明崢嶸西風有客過路傷觀汝亦足觀
我生平生每願介于石巖乎巖乎吾與盟自今以

後托交契南北雖阻有神明

長相思

長相思長相思坐固含嗟卧亦嗟朝到夕昏到曉
耿耿一念在京華枕上忽從蝴蝶去魂迷赤城之
丹霞雲母屏風水精簾香寢分明美人家望之如
玉不得語覺而思之道路賒美人若知我所思携
手而上邇其遐長相思有如皦日思無邪

慎矣哉行

慎矣哉慎矣哉惡不可為善可為為善未必要他
識為惡從來恐人窺黃昏鼠動曲房側潛投暗抵

乘其時白晝經過街市中自謂此事知者誰昨夜
房中促膝語朝日未暎人已知天眼昭昭鬼眼張
心固可欺天難欺兒童指之走卒嗤問渠持此將
安之珊瑚簾裏錦繡衣香風來去徒紛披君不見
千萬古青史上一鑑照之分妍蚩世上倘無為惡
者鈇鉞之誅安所施功名富貴任汝為鬼責人譏
渠勿辭寄語吾黨二三子遵此正路期不移慎矣
我慎矣我庶把一心終始持

羌村仲冬有感

去年今日晉陽城羅幕紅粧暎銀燭珠樓熏盡香

霧滛玉樓聲咽宋絃促佳人知我旅思苦當筵每
奏相思曲今年今日羌北村朔風鳴山雪滿谷寒
榼時聞羸馬嘶冷驛每吊孤影局時時舒嘯舒未
盡意短不覺聲斷續天南行返又天北歲歲年年
立於獨流轉之中榮枯異世事自是雲翻覆江海
微茫只短梗宇宙汗漫惟一粟此後行止那可期
未能奮飛身羈束他時如許自由去枕石耕雲一
壑足

歲云徂行

今夕何夕歲云徂吾不敢惜還不平平生每愁歲

律換長繩欲絆西日傾今年不惜今歲去擬見明
朝春意生憶昨此日在洛陽樂事自與愁思并平
明改著新錦袍朝日照之烟縷輕文石階前拜跪
罷雲霄咫尺香霧縈中官傳賜內厨饌玉盤耀來
金橙明銀桃盃裏紫霞液瀉來細細霑恩榮醺醺
扶醉出禁門紫陌忽促香車行歸來門巷喧咽甚
東隣歌又南隣笙北堂謁罷對妻孥滿堂融融談
笑聲此日此夜惜歲去坐對殘燭消殘更如今流
落塞北尾兩鬢白髮知幾莖千里唯携一影來寒
櫪只聞羸馬鳴人生到此語亦酸千愁萬愁來相

與歲之去也吾何惜曾聞天道元虧盈歲其去矣
吾不錢似是無情還有情新春儻把好意到歸去
石田雲可耕

歲云暮行

歲云暮歲云暮算到今年餘四日雲霄不禁犬馬
戀北堂難懷陸郎橘人情到此自爾戚歲律欲接
難自律茅簷風雪坐竟日悒悒不覺顏色失有客
過余為余說君胡為乎空自怙盈虛自是天之道
晝還夜兮甲還乙乾坤凝閉剝已極來復元從日
之七大寒之後陽氣生甲者欲斡亥者出殘雪初

融土脉潤向南梅萼香初溢君不見家家門戶有
祝辭災隨冬去春來吉如今淪落北海頭天於爾
也貽疾疾人事猶環理不偏死於爾也寧不恤休
將外患損性靈白日照昭天可必我聞斯語便自
悟盪盡胸襟釋其窒翻然拍手一大笑憂樂只為
吾身一天工造化任自然人把榮枯以為林將身
便置快活地坦蕩平生期始卒歲云暮歲云暮聽
天所為揮一筆

寧城

地勢北走沙塞幽亂山四塞以為高中有古邑殘

堞小凍雲沉沉風怒彌寒威尚於春後勒春色何
由著林臯城名以寧人不寧滿山猛獸聲彌吡大
狐跳梁小狐舞上山下山意轉豪澗烟離披寒影
過孤鶴初驚去其曹繞樹悲啼朝復朝細雨濕來
落盡毛毛落毳毳不得刷觸盡驚沙增一勞天涯
遷客腸易捩見爾難堪愁緒挑開窓眼亂閉窓坐
倚壁咄咄頭空搔頭空搔奈爾何不禁清淚霑容
袍

寧城中三月三日有感

人間佳節三月三洛陽城中最繁華香車馳逐寶

拙翁集二
馬走街南街北爭紛挐懷春兒女事丹粉走上河
橋芳意加金孔雀雜銀麒麟日照錦繡凝紫霞玉
臂弄罷香汗滴嬌笑折得溪南花三三五五各成
隊隔岸觀者森如麻金鞭玉勒遊冶郎見此踟躕
至日斜穿花爭向綠楊去摻袂相將向酒家青樓
醉罷興欲狂如寵黃昏聲轉譁歲歲年年長若此
只把樂事爭相誇邊城此日索莫甚白屋處處人
怨嗟節屆清明雪未融春色何能到草芽前山雲
冷凍雨下芒鞋難踏溪邊沙兒童不牧杏不花前
村有酒那能賒從來造化本至公惟底陽和別邇

遐倚汶風邊觀百變獨立城頭數栖鴉

賣魚翁行

平明籬落有市語病夫強起開柴門一人持魚一
人粟上下其價聲自喧呼來一一問所以魚者却
與粟者言把竿昨夜入滄海一葦却犯千丈渾驚
濤纔兀疊浪起拍盡天端控山根狂風儻或不我
饒扁舸定作長鯨吞冒百死窺一魚環却滄溟投
幾番歸來談笑對妻子十鬣可備十口餐凌晨作
急向人家粟粒庶及朝未暇渠胡為貴爾粟賤爾
魚死生輕重君須論我聞翁語為翁說翁乎恐作

波底魂蹈危不止險不避為口腹死將誰究翁聞
吾語還拍手一笑不覺髯自掀君不見尋常平地
起波瀾不啻海洋驚濤翻前舟既覆後舟繼名利
所在爭波奔人生有口即謀食滔滔世上人自憎
聞來赧顏慙不對吾舌難將吾手捫

七言律詩

遼陽

遼陽城下駐征驢無賴淒風動客裾歷歷臺隍新
制作依依事蹟舊詩書鶴啼華表千年後雲冷山
河百戰餘探盡興亡天亦老寒鴉飛度夕陽初

薊門

薊州城外自踟躕無賴淒風盡意吹萬木葉凋秋
盡後千家烟起日斜時鄉關路隔鴻音斷沙塞雲
寒馬影移行色蕭條歸思動投棲夕鳥爾先知

送梁公燾赴京

嗚命歸來歲轉三幽燕行李我能諳塵埃街市難
開眼風雨關山自駭駭直北長城連海盡鎮東高
閣與天參臨程不用說艱苦物色猶堪盡意探

戲裴汝友

聞道故人能畏畏神明誘子策扶持閑情易動杯

中物春意輕搖帳裏兒
鋤去二難寧復患秋來
一笑以為期只憂此癖
猶為婦下到車時不自知

贈別奇景廷赴京

憶曾並向清都上君賀陽生我進香
白酒共傾燕市露黃橙偕嚼楚天霜
三千里路塵埃隔十八年來髮髮蒼
燕北河山安穩在君歸儻記舊觀光

贈關東方伯

吾家夙分在關東夢入仙山第幾重
一片洛山餘舊月五更楓嶽有遺鍾
塵間局縮頭將白海上飛騰興最濃
歸去若逢方外客為言吾有一枝筇

別金士瞻赴密陽府

臨別憶曾之北日壯年懷抱制能寬
今來老境從心弱却到離筵倍骨酸
千里江山看杳杳六年雲樹隔漫漫
停杯脉脉難為語只祝平安不作艱

燕岐縣獻壽 慈親次板上韻

羅幃不怕夜風凜壽酒方濃信手携
銀燭燒來金燼落錦衫飄盡玉簪
低盤中自覓蟠桃實海上寧勞八駿蹄
祝了萱堂還一祝無疆宸極與天齊

義州聚勝亭次 先君韻

吾家塵跡在西陲淚眼生花看轉微
風露撲簾當

歲暮烟江生浪漾斜暉梳邊短髮增新禿帶裏衰
容減昔肥望斷鄉山妨極目歸心都逐白雲飛
憑闌忽忽到斜曛滿目江山自糾紛落木打窓疑
是雨尖峯當檻欲生雲羨墻有見還如在物色猶
留不恡分耿耿有懷拋未得詩難為力酒難勳

統軍亭韻

行到關河愴客情吾家於此世題名天邊歸鴈愁
行斷夜半啼鳥有底驚霜落江山寒欲慄風披林
木攬難平拂來塵板踟躕久眼淚增花看未明

次黃州廣遠樓韻

幽懷忽忽復怱怱心弱愁來拒不牢四紀陳蹤雲
共散百層鳧閣鳥將翔海西廣遠人爭說句裏形
容物莫逃半壁殘燈驚客夢啼鳥古樹北風高

四慕堂

倚山為閣石為臺簾外方塘一面開慕以四懸心
自在徑從三闕手堪裁收功靜裏寧容慢扶醉閑
中不厭頽笑向簪纓還有說無榮吾屋本無災

贈別朴尚初赴京

甘棠行返又征旄燕塞風沙動客袍東里不堪惜
分散北山寧用歎賢勞名天下是金剛勝雄地上

惟玉京高觀此又能觀彼盡歸來聊可共春醪
人世消魂惟是別送君行邁恨難勝年差數歲隣
呼丈笈共三冬榻喚朋別路此時傷白髮異鄉何
處對青燈臨分顏面難為色語復加餐口沫凝

南樓

不分南樓忝此登華欄十二幾回憑丹心只益傾
陽苦祿面還慙漏澤承四載江湖親白鳥五更風
雨對青燈靜中每起閑中趣貪戀君恩退未能

別柳永健健之赴湖南

人於離合不容謀聚即為歡散即愁南郡想應歌

父母東隣其奈少朋儔灞橋風急行塵起蘆嶺雲
寒去路悠行過錦江樓下去儻思歌管倚闌秋

贈別關東方伯柳景說

昨別說來今作別西隅行返又東隅班荆脉脉吾
兒女持節翩翩子丈夫隔海金壇仙欲語排雲玉
出鶴相呼烟霞裏飛騰去肯念人間躡躡無

次李應堯韻寄密陽太守金士晦

美非吾土可登樓嶺樹難容放目遊宮裏簿書無
了日鏡中霜鬢不禁秋汀蘭欲採將誰贈官酒宜
斟且少留人世有愁生與共愁來排去莫言愁

重次士晦前韻

望斷休登江上樓扶携時許夢中遊相思歷歷魚
傳信不見悠悠日幾秋嶺表暮雲憎樹隔屋頭明
月為誰留強追高韻情先動擬撥牢愁反作愁

挽金叅判重晦公

趨謁明光語未終如何一疾訣重瞳身隨箕去今
難作才為時生意落空雅論足知儒者象直躬還
有古人風家居清儉公餘事朝野爭稱議亦公

吳二相挽

詩書事業到公卿進沐殊恩退亦榮北闕風雲赫

錦重南鄉日月角巾輕四朝宦歷收功遠八十生
涯受福弘先世分深吾有慕臨牋喉塞自吞聲

贈別宋質正赴京

我先匡定君忠烈並立麗朝姓字芳二百年來餘
後裔一千時際共班行披襟末路心肝照分袂斜
陽髮髮蒼東海刷冤須好手會將恩諾報吾王

挽具叅判景瑞公

禁庭攀問重逢日未久歸來公答云人事易乘商
北隔年光纔轉死生分言猶耳在虛前約篋尚書
留揖夙芬此後容儀那復見登樓不忍送斜曛

漢南無王庭

允續亡秦亦可慙禍連窮黷坐狼貪雄心每向龍
沙驚快意惟從虎穴探帝德喪來關以北王庭撤
去漠之南輪臺有詔嗚呼晚經戰蒼生不堪

次質正官韻

殘生於世事無全風擺荆花只冷烟萊舞未翻堂
北裏爐香誰暖寢東邊行窮紫塞天連海挑盡青
燈夜似年悄悄此懷人不識心從口語告蒼天
不把形骸學瓦全功名寧用上凌烟玉珂爭躍柯
南裏竹杖誰携水北邊驢背行裝從此日鷗羣清

契卜他年風窓獨坐生漆省要遣中心不愧天
千里行裝百不全飄飄初惹鴨江烟綠途埃漲驚
風裏竟日泥翻暑雨邊此去秦關當六月曾遊燕
國祇三年瘁來筋力吾何歎已把丹心誓九天

又次前韻

太平繁庶事俱全撲地間閭捲起烟駘馬初肥沙
草裏酒旗高掛杏林邊耕田有剩餘三歲種木將
需後十年扣腹小民渠不識熙熙惟自戴堯天
運入豐亨樂事全家家門巷捲香烟珊瑚簾襯金
壇上錦繡袍明玉階邊茶酒興濃高會慶笙歌聲

咽太平年熙熙此地孤蹤過海外應思夢裏天
金甌逆轉尚餘全往事依然散冷烟百戰遺墟蝸
角後三更孤影鶴飄邊沙場鬼怨無窮日遼碣城
荒不記年萬古流來誰得喪臨風欲問彼蒼天

過揚忠壯舊症

夕陽行客自停車忠壯將軍有舊廬海宇雄名公
最得男兒高節此無如丹心本契三生舊白刃初
甘四字餘古里居人猶有說平生喜讀左丘書

山海關次前韻

鎮北將軍計萬全燕然一面息狼烟朝曛牌掛城

門外長短亭連瀚海邊列堞遠蟠千有里雄關高
矗萬斯年牛羊布野渠何識會是飛龍正御天
行裝草草計無全坐對爐灰半沒烟隻影吊來雄
堞下寸腸柔盡客窓邊茫茫宇宙元千古渺渺形
骸此百年甘苦備嘗歸去後張皇方說大哉天

次白麓韻

辛應時

玉署曾參上下番幾看金燭吐花繁青綾寢密深
僚契白獸樽開共主恩惹袖香烟依舊在半頭霜
髮到今翻襟期論罷淡如水臨路應歸不二門
折臂人間抵九番成醫無計髮霜繁分來歧路多

非是論到絲毫孰怨恩枕上紛拏春夢亂風邊輕
薄野雲翻悠然看得機關外孤鶴翩翩過海門
名場歲月幾回番博得紅塵滿袖繁出袖閑雲初
豈意催花甘雨亦非息有時舉首青山好到處逢
人白眼翻塞馬不須論得失從來禍福本無門

挽辛白麓

臨牋忍作挽君詞哭為公家不但私忠悃竭來天
亦照善良殲去鬼無知堂堂大節今安在衮衮清
談更可追地下若逢粟谷老為言時事日乖離

贈別奏請使黃景文

排雲曾叫玉皇家含恨虛回八月槎事待人能時
有會對由詩誦學無邪把盃相視傷頭白臨路重
携勸飯加丹懇好將恩誥返西郊歌鼓媚黃花

贈韓持平應寅以奏請書狀赴京

乘駟來剝雀羅門却把蠻牋乞贈言千里有行去
路香十年相識舊情敦善辭庶可回天意積懇還
能洗國寃將命此時身亦重風沙須更慎寒暄

朝天契軸

人間最是朝天事種種奇觀步步艱白草連陂記
幽薊紅塵漲陌憶長安三千里外嘗甘苦一百年

前此肺肝名姓披來心了了吾儕莫作畫圖者

別權而遠赴湖西方伯

我向南行君有贈君從湖去可無言篋中面目披
猶慰句裏心肝照益敦一枕悲歡驚夢羅十年離
合亂雲翻邇來世事悠悠甚江樹依依信斷魂

贈許太輝公嶺南方伯

原隰誰分丙枕憂儒臣此日戒征輶草堂長物三
千卷嶺海雄藩七十州香案向來宜畫日甘棠今
去正歌謳只憂論道須才望逝矣南人可得留

銀臺次僚伴韻詠松竹

庭畔松篁巧作園瀟然幽趣似山村枝枝盡得風
烟態歲歲長霑雨露思生計每期謀一壑衷情猶
未訣重闌見渠不覺歸心動清影披來倍斷魂

銀臺次前韻寓懷

十年憔悴病文園每憶潯陽江上村殘骨只謀資
藥力庸才無計答君息半頭白髮明愁緒三日
青綾鎖禁闌烟渚釣船安穩未未歸人送獨歸魂

移告後次銀臺園字前韻

小屋蕭條一畝園終南在近敵山村十年騰蹋皆
天借數日優游亦主恩殘骨塵間看白髮羣公雲

裏掩丹閣仙壇松竹今何似風露三更役夢魂

次銀臺諸僚韻

僚分休論此百年翩翩同上九重天將迎每向床
頭揖名姓時從紙尾填金燭影搖看細細銀桃霞
爛馮涓涓太平同作醺醺醉縮手吟邊未覺賢
重上銀臺抵六年祥雲依舊繞中天白頭飄向鏡
中亂丹懇心從臆裏填隆寵此生紆海嶽不才無
路報埃涓時來談笑顏先赧只為悠悠未讓賢
身縻廩粟已多年不分今來又近天紫錦袍非殘
骨擬碧山薇可寸喉填眼花歲暮翻生暈燭淚更

深細滴涓倚壁沉吟思爛熟焚章學士古之賢

次竹山鳳樓樓韻

強把殘生作遠遊嚴程那得小遲留三更寒露侵
羈枕八月高風送客愁梧老墻根餘病葉鳳去天
末只空樓悠悠有意長吟罷北關迢迢欲白頭

次忠州慶延樓韻

五十州中第一區山河無數擁方隅林園睥睨宜
藩屏雲護樓臺可畫圖官路茜裙誇艷麗村廬烟
火開懽呼欲將勝賞供摹寫南國行人語轉蕪

次咸昌東軒韻

客窓深怕五更鷄魂夢頻驚入 殿西鴈正南來
書僮寄樓宜北望眼還迷神疲長路無時了味寫
新詩得暇題堪笑倥惚潛引睡烏紗頻向案頭低

次永川光風堂韻

雙川遙自大堤迴丹碧樓臺面面開簷窳每邀山
月貯窓虛時許野雲來詩曰素癖頻尋債酒為沉
痾懶把盃倚遍闌干人或訝皇華何事謾徘徊
黃花踈柳滿江湄正是秋天搖落時觸石灘聲當
渚急暮烟山影入窓遲露華故向征衫濕風縷偏
從鬢髮吹歲暮難堪歸思動登樓此意古人知

次慶州迎春軒韻

千年全盛舊東都無數山河百戰餘捲盡踈簾塔
望遠倚來危閣可憑虛不辭理屐探雲物只怕盈
床有簿書耀壁孤雲吟尚在風謠今與古何如

雲所詠皆是
新羅舊事也

迺日東軒韻

一聲殘角夢初回近海蠻烟鬱不開落葉霜風飄
雨裏飢鴉噪晝下城隈奔忙虛負黃花節病渴仍
停白玉盃物色異鄉撩我甚愁來未遣又詩來

度泣嶺

木葉蕭蕭澗水鳴
漏雲寒日照行旌
無端白髮綠
愁緒有底青山帶
泣名玉頰向分應
掩面金鞍未
挽自吞聲
願傾東海洋洋水
洗盡人間別恨平

次龍宮浮翠樓韻

髮毛斑盡簿書間
造物胡為不借閑
身抵百年惟
赤烟簾開三面
是青山危樓望
眼昏猶冷垂釣
人夕未還溪畔白鷗休
笑我窺魚終日得無艱

次尚州東軒韻

客裏光陰昨又今
無端風雪滿西林
人從路隔思
如玉書自家來不抵金
歸去每煩千里夢
支離長

是百年心清愁消遣
惟詩卷簿領前頭強作吟

次比安東軒韻

水為羅帶嶂蒼龍
無數風烟入短壩
巖骨露形皆
落木庭陰成翠有
孤松流年暗促頭
邊雪雄劍潛
傷正裏鋒報了
聖恩真錯計
乞骸猶未上章封

比安路中次宋齊仲韻

連理從來作一枝
鴛鴦何事苦追隨
三生夙約同心結
千里多年兩意馳
未豈無知今借便
時應有會且休思
商山仁政人爭道
須向春風穩畫眉
來安東追次豐山板上韻

價不要高不厭低休將口後軟牛雞危樓望斷星
辰北孤鶴盟深湖水西倦客此時津欲問漁舟何
處路猶迷悠悠旅况長吟裏隨意還堪信筆題

次安東東軒韻

消遣羈愁只有詩悠悠此外我無為窺墻野鳥寧
須喚入幕山雲不待披醉夢頻驚風動竹品題時
辨蠶抽絲樓臺七十道遙遍南國棠花未入詞

次義興東軒韻

驅馳南國閱來多此地林泉分外佳霞老洞天圍
野石樹圍山郭護官家停車覓句髭成雪把燭題

詩眼眩花他日洛城龜縮處浪遊陳跡望中遐

次河陽東軒韻

今思昨日後思今行路悠悠只寸心馬向南天看
漸遠愁量東海覺差深關河歲暮歸來夢嶺樹風
高長短吟默數驛程歌枕卧小窓寒露夜沉沉

次清道東軒韻

消遣羈愁酒欠功吟詩續續短長中依倚丹渥花
相似踴躍微情草與同夢裏乍傳今日意鏡中無
復舊時容山河無數東南瀾一日長程幾著蹤

次雙碧樓

高祖韻

少時隨婦翁遊是郡及
按節來歲回二十四江

山是而人物非老者逝少者衰面舊可語跡
陳難尋始焉喜中焉喜終焉興感不能自己
敢次板上韻仍
示邑居諸故人

分明寶唾墨痕邊滿壁諸篇未有賢隔岸正看苞
粉玉憑軒時逐鳥鳧仙百年杖屨歸何地一水烟
霞屬老天坐到三更愁不寐浸江寒月作瓊田
老懷難制暮江邊鐵石肝腸始覺賢遼鶴歸來華
表柱漁郎邂逅武陵仙樓臺盡是曾遊地人事惟
從已定天願洗世間去住恨直看滄海變桑田
雙碧光凝水竹邊構斯樓者合稱賢一塵不到地
非世三鳥為隣人即仙盡態江山成活盡無私風

月屬長天勝遊自是君恩重歸意寧牽負郭田

次昌寧秋月軒韻

小塘流月洞相涵白玉鎔成變綠藍大地騰光只
曜兩陰精增彩是秋三憑欄漸覺貂裘冷顧影還
驚鶴髮毳却憶當年經始者清芬徒起後人慙

次星州東軒韻

州東軒名以百花題額在探上故及之

星嶽橫分霧列州離披雲物自千秋青樓正合珠
簾捲皓月初呈玉斧修花在東楹寧待折樽盈北
海不須謀男兒行止元關數持節南來辦勝遊

醴泉次板上韻

去秋曾巡過今春以殿別祭事來到故及之

可惜從來說寸陰朱顏昨日白頭今繞着病葉曾
飄砌忽覺春香欲上林行盡南州知漸遠愁量東
海孰差深壯心不逐年華減龍老滄溟吼作吟
奔忙客裏閱光陰非是猶堪較昨今千里眼波迷
北嶽一天風雪滿西林太倉糶米寧論小滄海虛
舟不問深窓外叢梅春意動清香嗅了更微吟

金海燕子樓韻

百戰經來只古城劫灰飛盡一丘平山河擁郭南
維固風露侵窓北客驚烽照暝烟寒閃影角翻溟
海冷傳聲天涯物色撩人甚贏得蕭蕭鬢髮明

固城東軒次 高祖韻

平生勝事此南征吟嘯偏宜海上城風竹當階珠
箔冷叢梅照閣玉欄明星翻遠岫邊烽影波涌層
溟盡角聲物色異鄉還作集百年遺感苦難平

次金海燕子樓韻

亡國遺墟慎莫探可哀從古說江南縈苔石塔烟
光冷臨水神魚黛影涵日照花間春正暖樓高雲
表鶴宜駭豪華往事消磨盡都付騷人醉興酣
駕洛遺墟只畫樓青山影冷水悠悠角竈爭罷渾
無跡遼鶴飛來幾度秋披柳白門和霧暗穿花紫

燕逐風流居人不解前朝事鳴遂斜陽動客愁

次東軒韻

南國山河捲勝形高城隱隱塔亭亭繞梁語燕光
翻紫照野烟花暈倒青塘草迷魂春雨暗玉梅驚
遂暮江橫三盃擬洗清愁盡沉醉斜陽不願醒
盆山翠影映雕梁滿谷烟霞自一方北海樽邊閑
日月南溟向裏凜風霜橋橫烏鵲銀河白窓濕鮫
綃沆瀣涼却訝廣寒移下界層層渾作水晶光

次巨濟黃翠樓

天南尾即海東頭甘苦平生說此遊作惡瘴雲渾

似墨亂陰春日半如秋三更風雨聲傳幌萬里滄
溟影入樓物色猶堪寬逆旅橘橙林下且遲留

次右水營

粉堞光翻細柳烟俯臨青海傷山巔雲樓要豁褰
珠箔冰簟須溫設錦筵劔戟當階宜白日風花入
座媚晴天將軍帳裏無餘事把酒留人未覺偏

次右兵營東軒韻

春風細柳太平年多少邊籌捲得便河絕東漁人
是寶國無南顧將其賢森森劔戟明滄海款款烟
花亂管絃樽酒合供談笑裏當筵休怕醉狂顛

次攬秀亭韻地在密

飛甍高歷大堤平，拆盡東南面面明。
羅帶水長遼拖尾，玉簪山迥細抽莖。
空虛影裏迷還藹，黯淡烟邊隱復橫。
眼力短時意亦短，畫難摹寫語難名。
珠簾開遍納山川，奇勝都輸曉旭邊。
萬象齊搖浩蕩影，一天中落靉黳烟。
浪前漁舶應無事，雲外人家儻是仙。
詩債滿江供眼盡，無心魚鳥也爭先。

次密陽嶺南樓韻

練江螺岫碧羅天，三面當樓忽在前。
垂釣人歸孤鶴外，采菱舟向斷橋邊。
桃花氣暖輕含雨，杜若香

薰細吐烟寶瑟調來宜，到夜風傳珠箔月侵筵。

次左水營板上韻

此區真可小蓬萊，繫背平蟠百尺臺。
鶴舞長空時半下，風吹驚浪未全排。
濕林香露巖花落，射壑晴暉海霧開。
鳳管閑時霞液細，儒仙今夕儻歸來。
千秋繫背有遺臺，一棹長風挽我來。
三島霧消螺髻出，半空暉轉海門開。
塵纓濯盡銀波潤，舞袖飄時蜃影迴。
玉管鼓聲人欲散，夕陽驚鶴獨徘徊。

次彥陽東軒 高祖韻

昨夜羈魂到漢陽，覺來南極海天長。
榴閣忽見吾

先筆客裏還疑是故鄉映樹疎簾和霧濕臨池小
閣得風涼此中世荷君恩重前後清遊各一場

次昆陽凝翠樓韻

征鞍初卸拂行塵雕檻憑來物色新槐樹陰宜五
月夏榴花紅占一枝春簷邀出影休垂箔閣貯冰
床不用茵竟日涼風吹作快天教醒盡客精神

次南海韻

危檻纒憑忽碧洋尋仙秦漢漫舟梁波通弱水三
千近鶴舞青空九萬長電劍耀來雲歛海風琴鳴
罷月移床不辭揅盡壺中界行旆無端自作忙

鰲背蜿蜒作一區乾坤浮處有斯樓墮奮炎瘴
蒸島醞雨繁陰半隱洲海成雲黃鳴角急漁村月
黑點燈稠天涯物色撩人意收拾吟邊記遠遊

次右兵營韻

左右兵廂抵四年輕車熟路事多便冠當鎖鑰餘
非可李較長城倍覺費細柳人閑開翠幕綠花春
爛映朱紉臨機著將軍手劍吐寒霜馬白顛時

寧海海晏樓韻

身繫南陸夢漢陽身心分路兩邊忙情深禁闥淮

陽戀政拙甘棠召伯章嶺樹風高衰葉赤海天波
黑晚雲蒼蒼茫獨立惟孤影白盡吟髭斷盡腸

善山東軒韻

萬事悠悠不要成靜中時看寸心明梳邊白髮挑
愁緒簾外青山不世情重到異黃聞鳳鳥清吟非
謝坐宣城隔林定被高人笑長路歸來只索名

宜寧清暑樓板韻

纔看去馬又來牛人盡奔忙我倚樓官裏暫閑還
自哂天涯孤影為誰留形容勞了心為役身世較
來名是浮何日拋茲替笏去却扶衰疾托林立

聞慶慶雲樓韻

南人莫說舊皇華十載重來老何筋力已從原
隰盡眼花偏向簿書多擡頭只是心懸日依枕非
關夢到寒倚欄干時竟句吟邊情至不成歌

聞慶韻

擬將詩律破羈愁長路驅來意未留官裏簿書難
了事鏡邊霜髮不禁秋葵花向日元成瘴澤草中
河未得休南極蒼茫北極遠青山障目自回頭

尚州東軒韻

不才叨遇盛時今幾度春風侍上林未效畫眉粧

半額徒將弊帚博千金全無分寸留南惠尺有尋
常拱北心情曲漲胸排未得臨程日日隸長幹

月波亭韻

步上危樓自作忙長風引袖不彷徨驚搖白波
添影檻納輕青黛送光范老行兼憂在退玉生霞
鵝後成章探窮勝致吟髭斷意短還慙語未揚

咸安東軒韻

人於塵世謾營營半為飢寒半為名千里孤形今
白髮十年重倚此丹楹蜂喧庭訴情難辨泥壘文
書語未明忙裏忽思閑裏事江湖漁蕩晚來聲

居昌東軒韻

客中詩卷未宜舒吟嘯難酣公務餘算到簿書籌
欲積計來行路日無虛枕邊髮髮新霜樣忙裏精
神沉醉如合眼便成歸去夢終南山下舊鄉閭

星州百花軒韻

行盡南中七十州半頭霜髮不禁秋泥翻薄牒揮
還積塵浚瑤琴懶未修情逐葵傾元有約身從梗
泛豈容謀寸心擬報君恩重臨路初非作浪遊
表裏山河霧列州尋來陳迹十回秋元將問俗為
能事旋把吟詩擬好修香挹羅帷曾有分樽盈霞

液不須謀梨花一樹明如雪風送芳菲佐勝遊

陝川東軒韻 誕日望闕行禮

丹枕寧逐旅魂消千里關河不作遙雲裏誰呈金
鏡錄日邊空想紫宸朝空慙柳海消難滴未覺呼
嵩聲更高耿耿心中申一祝德輔從此造如毛

梁山雙碧樓韻

滿江風月自無邊氣像猶堪較宋賢聲色難藏歸
造物樓居最好屬神仙入窓疎影篁籟露打箔清
光水拍天側耳中宵時有響一雙玄鶴下瑤田
衰情難閱碧江邊范老深憂始覺賢官裏十年無

了事樓頭半日作癡仙鏡中白髮餘千丈簾外青
山隔九天恠底中宵蝴蝶夢每歸香案不歸田

金海東軒韻

驅車盡日入荒城雲海前頭意未平篋裏詩書曾
自信鏡邊衰白不須驚汀蘭採罷餘香臭瑤瑟彈
來剩舊情愧坐黃昏心更耿一眉新月向人明

密陽嶺南樓韻贈主伯

人事寧逃已定天聞君有夢數年前行裝只任浮
沉裏談笑惟從道路邊樽酒慰來前面目江山巧
逞舊風烟休將急管嗚嗚咽萍水相逢又別筵

密陽樓經韻

擊罷空明信所如玲瓏小閣合仙居
茜梧影亂穿霞鶴簫鼓聲驚感浪魚
坡老海中誇亦得杜陵天上語非虛
較來蓮葉差誰勝閑卧宜觀玉字書

鷄林東軒韻

鷄林風物舊東都無賴閑雲翻覆餘
頑土任他人得喪老天潛遣幾盈虛
玉丸曾入崔仙詠金積猶傳太史書
飛鳳只今青一朶閑來興替意何如

鷄林賓賢樓韻

羅代繁華等鳥過老天猶擁舊山河
殘霞長向荒

城合廢礎偏從官路多玉簫每鳴明月卷金甌
曾付美人歌興巨闕盡遺墟在為問坤靈意若何

佛谷寺

亂峽荒涼羅代寺金銀佳氣到今濃
鶴啼三夜逢城月僧打千年建業鍾
禪塔烟披寒影過石橋霜澁老苔封
天工不闕當時物窓外層層聳碧峯

鷄林東軒韻

金積遺墟鎖冷霞年年沉盡舊繁華
石羊難問侯王塚烟草誰知富貴家
華表月明仙鶴過臺城雨歇柳枝斜
太平盡付今歌管銀燭中宵秉絳紗

奉化東軒韻

秋於四時足悲哉况復天涯客上臺黃相可能聞
鳳鳥何郎無興訪官梅霜淒錦幕衣初冷雲凍關
山鴈欲回北極日隨南極背臨程不覺自徘徊

咸昌東軒韻

鳳池遙憶樹棲鷄倚柱遑遑日欲西嶺路歸來頭
半白簿書看到眼全迷登樓那得消新恨掃壁猶
堪續舊題世事悠悠堪一笑聲名此去不嫌低

永川明遠樓韻

宿緣挽我此中回蕩盡煩襟細細開超忽宛乘鳧

鳥去飄騰恍著羽衣來長風吹月留詩債度鳥披
雲落酒盃文簿自成清賞累丹梯欲下小徘徊

永川朝陽閣韻

丹閣高飛碧澗瀾野雲來去自無時灘聲咽耳翻
嬌開齒影侵窓不厭遲繡幕披來山月白珠簾捲
盡竹風吹時時笙鶴空中響漏洩玄機報我知

永川明遠樓韻

鳥嶺之南七十州數來名勝說茲樓窓吞遠岫堪
開眼檻入長空怕舉頭林木每為歌響振晴川幾
入句中流鳥山又送風霜凜超忽如從汗漫遊

蔚山太和樓韻

十年重倚此江樓曾在夏初今孟秋世事自添新
短髮風烟不改舊長流三生綠結海東尾七字詩
留壁上頭吟到夕陽未歸去有情魚鳥佐清遊

昌原燕賓樓韻

休說南來味苦酸十年重倚此華欄海雲送影翻
成綵庭竹搖風釀作寒和管鳴絃偏忤緩當筵舞
袖不嫌寬萍蓬此會論情處銀燭燒宜到夜闌

蔚山太和樓韻

疑是仙山十二樓夜來浮海下中流高飛氣像輕

蒼背妙畫形容倩虎頭珠箔影搖雲拍水玉欄光
亂月籠秋此生不有三清契此日那能作此遊

大丘東軒韻

碁布山南七十州中間巨府說茲丘殘更爆竹驚
時撥華館張燈慰客留他夜應成今夜夢新年休
作去年憂人生於世萍浮水談笑惟從在處遊

青松東軒韻

洞壑陰陰闕半天清川曲曲後還前芝田影亂翻
青鶴琪樹風披生紫烟衰骨苦為朱紱縛殘生應
被白鷗憐今宵借得虛堂宿却恐明朝不是仙

密陽次府伯金士晦韻

一歲悠悠兩地思相逢此日又分歧人情自切交
深處離恨偏從意苦時休說愁端消是酒却教心
曲亂如絲襟裾脉脉無多語只結城東晚歲期

嶺南樓韻

眼豁平湖欲飲天清遊曾在十年前臨虛樓閣層
霄裡盡態江山活盡邊錦繡窓明搖日影珊瑚簾
細裊香烟滿林花鳥休相訝有分新筵是舊筵

固城東軒高祖韻

十載重臨海上城此身長逐鴈南征鏡邊新雪挂

毛白辭上先珠和睡明芳草自生今日意寒潮猶
作舊時聲老來無語殘霞冷攬盡柔腸助不平

新春

心苟平平足快哉無猜何與被人猜鄉園莫問山
川隔身世從他宇宙恢玄洹融來冰欲釋和風吹
盡霧還開天工造化唯公道會見陽明次第回

次藥圃韻

關北行從嶺以南鄉園長鎖數間蒼飄然泛海憐
渠梗到處為家貴是男風力折綿寒欲凍神明在
近貨無慙只綠葵向元成瘴望嶺終南愈不堪

塞上新春

岸雪將融柳欲頻
蒼間鳥語報新春
寒威乍弛風霜苦
生意先從天地仁
南澗細流初赴海
東窓暖旭漸饒人
陽和世上唯公道
不作親踈一様新

羌村寓懷

皺盡容顏髮漸稀
增來衰白減來肥
漢關迢遞歸心苦
秦樹蒼茫入眼微
霜雪冷驚蝴蝶夢
風沙打破芰荷衣
無私天日寧容意
不後陰荒輾暖暉

羌村寓懷

漲臆幽懷自鬱紆
箇中無事可為娛
時披亂緒吐

談強旋擺羣憂發
笑孤竟日沉吟真
事業中庭散步是
工夫
安排習熟心初定
從此窮途改坦途

理山板上韻

一影携來亂峽間
凶途步步動成艱
傾葵向日姿猶癡
驚鵲當枝翅未安
關路芒鞋行欲急
鳴江牙笏意非閑
城頭畫角聲聲咽
鏡裏偏驚皺上顏

拙翁集卷之二

